

香蘇山館詩集

香蘇山館今體詩卷十二

東鄉 吳嵩梁 蘭雪

白雲山附近廣州名與羅浮相亞十一月十一日
同李春湖副憲登粵秀山憇三元宮聽道士黃
越塵彈琴春湖先歸余與儀子墨農乘輿入山
夜抵雲泉館踏月蒲礪清吟徹曙明晨謁鄭仙
祠由丹臺鶴頂峰雲巖至白雲寺觀九龍潭陟
摩星嶺而歸宿山中二夕得詩凡十三首

歌舞岡前路層臺又夕暉江光浮地動雲勢挾山飛策
蹇攜瓢酒驂鸞借羽衣勝懷吾不淺臨眺欲忘歸

紺宇結雲林高榕覆院陰慧香三界滿空翠一樓深及
聽松風操冷然海雪音刺船人不見誰與證仙心
暝色赴林壑杖藜殊未還聽鐘知古寺踏月徧寒山樹
色深沈處泉聲遠近間卻尋前路出籬柵夜來關
蒲礪曾游地尋碑繞寺墻驟聲溪欲雨寒色鬢俱霜無
碍見空碧自然間妙香頻來幽興熟凭徧讀書床
澗水來何處淙潺近榻流已將風篠亂兼以露蛩幽萬
籟久逾靜一燈吟未休祇應寒月色徹夜浣清愁
危坐疑風雨山樓試一登亂泉知誤聽華月見初升雲
潑諸峰墨池鎔半畝水此心同湛寂已作定中僧

午夜不知倦奚僮相背猜寒聲憑檻久曙色透窗來月
墮鳥先起霜濃花更開卻看移榻地狼藉古莓苔

白日有時凍綠天無處晴風泉吟斷續礪石卧縱橫腳
底千帆影雲中一杖聲丹臺知不遠抗手列仙迎

江水曲逾曲嶺雲重更重浮金纔萬頃潑翠又千峯明
滅各殊態合離無定蹤忽驚厓斷處突兀倚長松

一角岑樓迴層陰洞室昏雲迴仙鶴頂石透古榕根履
險孤心定觀空眾妙存幽花含笑久相對欲忘言

九派疑飛瀑蒼龍見蜿蜒誰知古潭水卻似惠山泉煮
茗分鄰寺澆花養佛田昨來清聽滿及此悟詩禪

殿閣臨空闊江天入混茫浮烟疑島嶼貼水認帆檣樹
密雲無影花深月有香吾身堪羽化久與世相忘

飛鳥斜陽外山於鳥背青盪胸迴大海低手摘寒星吾
道雙蓬鬢浮生一斷萍仙詩誰絕唱吟與九龍聽

聞曲中女郎有能誦余舊詩者戲成一首

吳越前游鬢已霜竹枝零落付珠孃新詩莫更傳檀板
恐有人猜杜牧狂

新柳補和葉翁花谿韻三首

細雨絲絲染未成沿堤漸有賣花聲青簾影裏鶯黃樹
斜拂春人眼倍明

楚楚新條換舊條
淺于眉黛瘦于腰
不知歌舞岡前種
管領春風是幾朝

乳鶯恰恰聽嬌啼
紅板橋東畫舫西
怕說春深騎馬路
落花如雪襯香蹄

題畫

遙峯潑黛水拖藍
楊柳春陰二月酣
認得漁翁收網處
一篷烟雨是江南

雨生豪宕野雲癡
石友平生兩畫師
開卷相逢吾一笑
谿山都入老夫詩

留別嶺南執政

鳥歌花舞徧重城執政同時負盛名吏事精詳張子壽
文章典雅杜君卿尙方珠貝都停貢橫海樓船久罷兵
只有仙山堪拄笏濂谿一賦亦高情

貪泉一飲卽冰壺笑擲沉香是故吾青簡不曾鈔善本
烏梅何事費公廚壓裝惟載羅浮石還郡爭傳合浦珠
敢望買山分鶴俸香風吹滿荔支圖

別廣州山水

越岡高處瞰蓬萊百戰關河酒一杯海氣連雲浮島嶼
天香吹雨入樓臺美人得道原家學霸主傾心始異才
聞說木棉紅十丈再來應及看花來

安期祠在翠微間蒲礪尋秋日往還一榻聽泉能破睡
四更踏月愛游山幽花含笑延詩侶仙棗如瓜駐旅顏
曾是東坡吟賞地白雲三度款松關

黯黯斜陽下柳波荔支灣外櫂船過萬花醉客清遊少
一笠尋僧野趣多老去才名嫌爛漫閒來禪病費消磨
離筵莫唱玲瓏曲白日黃雞奈汝何

海風萬里又天涯歸夢依然上釣槎塵世功名今白髮
空山歲月祇丹砂人疑葛鮑攜仙侶我愧韓蘇許大家
答傅石波偏是羅浮游未得十分惆悵爲梅花
同年贈句

歸櫂

看山一別白雲寺，羈抱何時得暫開。
人事昨宵都掃盡，仙詩何處忽飛來。
明年決計營花塢，終日清吟坐石苔。
只恐山靈憎刻畫，天風吹我又塵埃。

由花埭泛月至大通寺寄春湖副憲桂林

綠天花海俊游曾，古寺重尋酒未醒。
松影是雲雲是墨，月華如水水如冰。
誰家簫管初迴櫂，隔岸樓臺尙點燈。
記得前來追餞地，紅粧隊裏訪枯僧。

寄李次卿侍御惠州兼懷宋芷灣太守張南山廣

文

故人有約入羅浮，笠屐尋山願未酬。
南海客偏經歲住，

東坡才是幾生修飽餐荔子原奇福補看梅花合縱遊
夢踏鳳車明月夜不成仙隱也風流

巡船

弓刀小隊護行舟風力居然破逆流燈影高寒能照夜
角聲悲健似防秋戴淵悔罪吾能用李涉知名盜不仇
莫笑書生歸計薄壓裝詩卷抵封侯

用白香山天竺寺韻卽效其體

南禺雲對北禺雲山上鐘聲水底聞

二語見峽山寺志

詩似香

山禪悅妙寺如天竺地靈分東峯積翠難尋路西澗流
香又遶門恰好木樨香裏坐漫天花雨共續紛

凝碧灣

寒天迴旅櫂江路峭帆遲水曲如三峽山多似九疑行
蹤金刹記心事玉環知惆悵尋前約猿聲較昔悲

飛來寺

突兀舒州寺憑空壓翠微險穿三峽破奇挾萬山飛初
地花含笑參天樹合圍洞雲遮已斷誰喚白猿歸

二禺祠

帝子驂雲去靈風尙颯然怪犀幽礪底馴虎廢壇邊采
竹惟同調吹笙亦少年道根吾恨薄華髮始求仙

卧仙巖

幽卧何年始雲泉一枕酣莊生早齊物彌勒可同龕度
世疲應久游山夢亦甘醒來但微笑花雨徧東南

淙碧軒

一角收羣峭虛亭眾綠深瀑飛炎海雪雲結古榕陰帆
影山坳出鐘聲磳底沉妙香何處發無礙卽禪心

定心泉

靜者心多妙清襟鑒此泉浮雲隨處換孤月定中圓凝
碧常如此流香亦偶然江湖嗟垢濁常憶在山年

釣鯉石

把釣臨江水閒蹤片石存浩歌明月夜危坐老雲根乞

香蘇山館詩集

卷十二

六

食長淮暮披裘大澤昏六鰲供一擲身世汝何論

鎖犀潭

滄海通何處靈犀汝獨來雪山能自擘金鎖定誰開束縛資神力奔騰惜異才蛟龍此同宅慎勿鬪風雷

歸猿洞

仙女聞清嘯淒然返舊林不辭紅袖影誰省白雲心恨事天難補情緣海未深多生應懺悔吾亦此投簪

涇陽峽

一掩復一重夾江千萬峯澄鮮交水荇積翠壓雲松灘響寒逾急嵐光晚漸濃釣師歸未得沙鳥認閒蹤

英德縣

落日下南溟羣山莽莽青峽風疑虎嘯潭水厭魚腥
俗民應革殘年路再經天寒銷酒力薄醉已全醒

曲江懷張文獻公

萬古憐才淚曾經賦荔支隱憂全盛日恬退未衰時
養母公能近歸田我恨遲平生香一瓣不獨爲論詩

平浦驛

一櫂千山裏濛濛翠溼襟濤聲春枕壯雨氣入篷深
歲暮仍爲客天涯獨此心淒迷今夜夢歸路恐難尋

庾嶺梅花大開文獻公祠紅梅尤盛手折一枝而

三才集卷之二
去

庭梅佳句少人知感遇沉吟又一時
千樹寒香花夾路忍寒重拜曲江祠

幽姿多恐世緣慳小著燕支態亦閒
惆悵天風吹太急又飄紅雪下仙山

寒花爛熳雪成堆此日谿園也自開
取折一枝上歸櫂嶺南春色渡江來

江鄉

已入江鄉路山川亦有情
赤松茅店樹黃柏夜灘聲
路轉千峯換鷗隨一櫂輕
新田曾小泊喜似故村名

紅梅灘寄棲霞寺僧

棲霞山翠冷于冰古寺清遊記昔曾落月荒灘今夜夢
紅梅花裏欸詩僧

南安和煦亭司馬惠舟賦謝

窮途一笑得扁舟傾蓋居然豁旅愁已共梅花辭庾嶺

未應大雪阻灘州

用東坡除夕事

運租高詠誰青舫擊楫雄心

已白頭仙侶異時傳李郭不曾同渡亦風流

殘年

殘年光影似奔輪雲海蒼茫寄此身回雁嶺侵回櫂路
倦魚灘送倦游人平蕪盡處連沙尾積水依然減石鱗

歸去掩扉休恨晚故山有味是清貧

贛州晚泊

亂山深處一舟來賣菜州前路又迴五角六張人事誤
千搖萬兀櫓聲哀孤生脫險身如夢華髮匡時念早灰
只有登臨狂未減尋詩重上鬱孤臺

由天竺灣至皂口驛

紫翠連峯落照銜危磯怒石太雕劖下灘水急妨摧舵
迎面風多早卸帆我老此身無著處人間何地不巉巖
二句集蘇忍飢只合山林卧手劖黃金帶雪鑱

歸程

過江日日計歸程
節物關心祇自驚
雪意釀寒侵水驛
雲陰壓暝失山城
一樽願博懽騰醉
雙櫓愁聞激石聲
仙鶴梅花今夜月
故園悽斷又三更

旅懷

黯黯江光入暮烟
潺潺石瀨咽風泉
天涯雪點惟雙鬢
鏡裏花枝又一年
偕隱但求鋤藥地
倦游難得買山錢
遙知歲酒團樂坐
說著羅浮亦惘然

雪後廬陵小泊

雁背斜陽入杳冥
櫓聲搖曳下廬陵
數峯高處留殘雪
雲裏芙蓉一半青

先母生忌日過樟樹鎮感賦

柴門風雪夜霑衣三十年前負米歸今日倚閭無白髮
慈烏猶向夢中飛

除夕抵南昌

西山遙望翠千層除夕人家早上燈咫尺吾家天樣遠
移居悔不近鍾陵

旅愁閨夢共酸辛苦被浮名絆此身料得山家聞犬吠
還應猜是夜歸人

王右軍洗墨池

一戰安西已不支長江退保未應遲謝安猶爲清言誤

殷浩焉知將畧奇絲竹中年陶寫地山林名士讌游時
換鷺題扇渾閒事占盡風流只此池

陸文安公祠

暫居勅局又荆門治行先從講學敦四物醫時皆妙藥

六經註我豈空言瓣香誰奉青田祀

公裔孫居金谿者今無奉祀生實爲

缺家法吾慙桂隱孫

遠祖桂隱公會出先生門下

悔悟一深惟涕淚

鷺湖同異敢輕論

湯若士先生玉茗堂

桃李私門爛漫開名花耐冷此親裁登科恥借冰山重

抗疏身投瘴海來猛虎就殲資鬼力

宰遂昌有牒城隍神除虎患文美

人將命殉仙才

松江俞二姑以讀牡丹亭院本病歿

平生大節詞章掩四

夢流傳亦可哀

李穆堂先生神道碑

雄文勁節兩嵯峨
鐵石肝腸矢不磨
宣室虛懷咨賈誼
烏臺并力殺東坡
封圻任重忘身久
朋黨疑深薦士多
賴有謝山

全先生祖望撰文

能紀實千秋知己淚傾河

適園感舊詩爲故司空李西華文作

門對南豐宅當年數往還
每扶松下杖同看雨餘山
洛社耆英盡平泉草木閒
廿年懷舊淚未許染苔斑

太息漪亭水重來照白頭
雲棲當檻樹花餞小山秋
載

酒今無伴藏書尙有樓鹿門願偕隱難借此林邱

時欲移居

未果

九日同陳堦聰彝姪瘦生登玉屏山作

林巒小別已經年冷節幽尋此地偏紫蟹綠橙黃菊候
青山紅樹白雲邊低徊倦蝶來山塢飄泊飢禽下渚田
海內故人相望久插花吾愧雪盈顛

余字陳堦曰硯孫有詩志感賦此爲荅

傳家一硯久隨身述德詩成淚墨新賢似范公應有後

謂令祖東浦方伯

才如孺子豈長貧名花早得冰霜氣寸草難

酬雨露春負米表阡俱努力傷心我亦少孤人

題高星階通守吏隱圖

十年前踏古槐陰曾與重瀛頌獻琛

君與余同官國子監同充琉球學經

理中成功名看鬢髮閒官氣味似山林栽花畧試調民
手種樹依然課子心道是歸雲吾更嬾不堪出岫況爲
霖

棲碧山房詩爲王澄蘭姪壻作

佳名早擅鳳皇窠小築茅齋傍磻阿一道瀑泉當戶直
四圍山翠入簾多閒居笑謝人間事秋興詩宜醉後歌
見說藕花千葉麗移尊應待晚涼過

箕山觀察邀游白雲丙舍移舟泊清華寺歸臨鶴

軒小飲同劉雪暉次韻二首

十載游蹤釣石溫
又隨旌節過江村
探梅已得初花信
題竹難尋舊墨痕
紅葉滿階誰縛帚
白鷗無事替鴈門
移船更就螺墩泊
雲樹青蒼日易昏

斜陽影裏權歌還
畫戟清香也自閒
一鶴瘦于長爪客
數峰奇似大癡山
菜根滋味冰霜後
花骨高寒水石間
卽事詩成增別緒
縱無名句未能刪

夢中絕句

眾綠亭深日未斜
門前閒煞冶游車
黃鸝啼罷忽飛起
捎落牆西一樹花

書烈婦陸馥華卮筆詩後

烈婦吳縣人字歛塘年十九歸同里吳培雲秀

才十日而寡矢志不嫁歸依其母母歿隨父僑居南昌賣畫自給未幾父又歿鬻身爲婢以營葬資誤人曲中觸石而死墓在三村惜無表以貞石者有詩降壇自序如此

幾日春風入斷絃書奩藥裹附江船但知反哺隨烏鳥
爭信驚魂化杜鵑紫玉驟摧完節地青衣甘殉買山錢
一抔香土三村近誰種桃花守墓田

題程蘅衫所藏趙松雪樂志圖臨本

公理寄愁已天上子昂絕筆又人間昌言誰惜身名誤
偕隱難求歲月閒蟬蛻飄然辭宦海鷗波似此卽仙山
一椽願買東湖宅雨笠烟筇恣往還

蠟梅

磬口初開見蜜房
九書消息漏春陽
水邊籬落花微笑
煙際簾櫳月澹黃
世味早諳如嚼蠟
禪心無礙自聞香
詩成更屑泥金寫
未許東坡久擅場

三婦詩爲繼室蔣氏及范姬閒閒王姬素素作

大婦青谿裔
春江照浣紗
詩成新弟子
畫入小名家
選句參琴譜
尋秋繫釣槎
平生偕隱地
裙帶有煙霞

中婦邗江秀
天姿謝綺羅
靨邊花欲笑
眉際月初波
閒事猜先透
深情語不多
一詩鈔未畢
擁髻愛清哦

小婦河間女
嬌憨態可憐
折花衣露溼
擲笛鬢雲偏
惜

別低徊久迎歸笑語先昨臨書半幅點畫亦清妍

庚辰正月十日入都

草心一寸負春暉出處平生百事違吹沫窮魚難共活
辭巢病鶴又孤飛強顏猶說趨華省清夢依然戀水扉
一第縱能酬夙願啼痕難浣舊斑衣

留別閨人

井臼辛勤恐未堪幽居深喜性情諳漫將豔曲歌三婦
自揀風詩畫二南巢燕將雛毛漸長閒鷗臨水夢同甘
孤飛倦羽歸應早偕隱先營老學庵

貴谿道中

輕寒惻惻透衣裾暫爲郊行下筍輿山意睡醒殘雪後
菜花香透午晴初丁年作客身垂老丙舍求田計尙疎
商略此間宜買宅人家一半是樵漁

十三日抵廣信府黃霽青太守留宿郡齋屠琴塢
至自杭州喜晤有作

春城燈火徧樓臺離緒如雲此暫開華月江邊方湧出
故人天外忽飛來關心民物無窮事放眼乾坤有數才
我愧釣鰲滄海客一竿裊裊又蓬萊

輿中折得桃花一枝卽書琴塢所贈詩卷後

新詩一卷瘦且妍桃花一枝紅可憐老夫病眼墮雲霧

今日相看如少年

玉山道中卻寄霽青太守

山程終日趁江流行到春江江盡頭
離心卻似春江水
迴送青山入信州

寄琴香閣兼懷閒素二姬

連旬密雨阻征騑
準擬同行願又違
自悔勞人多草草
可憐楊柳太依依
鷓鴣底事呼名急
蛺蝶何心作對飛
只有新晴堪慰藉
桃花風暖透春衣

桐江舟中

煙鬟低漾水風柔
來岸春山笑不休
詩夢卅年無覓處

畫眉聲裏又嚴州

馬秋葯前輩出示游粵近作書此留別

一叟飄然岸角巾詩篇愈老愈清新騎來仙蝶山都豔
搜遍明珠海亦貧小築我歸尋舊約先生曾許結比鄰
只愁水閣西湖上六月荷香醉煞人

虎邱玉蘭盛開艤舟往觀重過孫武子祠舊寓懷
然成詠

春水依然遶寺門中年哀樂共誰論遙看白雪明山塢
曾倚紅粧坐樹根花影低徊尋舊夢竹枝慘澹賸啼痕
綠春所居一聲風笛搖船去斟酌橋邊日又昏

書楊苓園遺詩後兼示澹園孝廉

一官偃蹇濫朝簪憂患餘年鬢雪侵學道漸銷才子氣
遺詩猶見故人心香山作達辭樊素小阮論交又竹林
孤負平生期許厚癡雲豈復望爲霖

廣陵夜泊書家信後

一春別緒最相關杜宇聲偏喚客還行役勞人猶草草
故園桑者自閒閒只須寄遠憑蘭信莫爲多情損玉顏
二十四橋今夜月照儂飛渡隔江山

題黎湛谿河帥見山圖

暫拋周易看陶詩采菊幽然得意時道眼原無分別見

南山一笑在東籬

花外卽青山山光遠近間讀書無甚解治水有餘閒坐
久雲移榻天寒鶴守關我來參妙諦一扇畫江還

湖路見杏花自書甲戌詩後

人馬參差下渡船重尋湖路舊村前杏花一樹紅過屋
親見移栽已十年

傾城一笑記當鑪似倚嬌憨媚老夫慙媿枝頭春意開

新詞傳徧宋尙書

前詩和者甚多

玉筍門生擁絳紗海天桃李亦清華

謂琉球學諸生

白頭再入

春明夢羞煞東風第一花

月下聞笛懷王子卿太守時自徐州改擢贛州

月明纔上樹梢頭橫笛何人又倚樓惆悵東坡老居士
杏花影裏別徐州

劉伶墓

黃公壚下幾人過糟粕餘生脫網羅五詠高名荒塚在
六朝奇士醉鄉多生常荷鍤埋應早死若銘幽頌不磨
記取石臺醒酒地西風一笛愴山河

醒酒臺在修武縣
余少時隨宦于此

滕縣

國小今爲縣匡時合有人危城曾守義善政不憂貧白
役催租急青苗議法新井田難再復太息古風淳

孟縣

楊墨兼儀衍人心陷溺同大賢距邪說王者賤奇功仁義漸摩後桑麻長養中時清非戰國吾道未應窮

項王墓

鴻門劍舞失奇謀三月咸陽火未收叱咤生能吞大敵頭顱死亦換封侯楚歌聲裏軍心潰秦卒坑邊鬼哭休可惜虞姬無葬地美人名馬共千秋

送張鹿樵前輩觀察河東

股肱重寄領監司三觀天顏出鳳池吏訝旋風操

筆妙將誇飛雪運舟奇游山興逸尋韓洞飲水心清入

晉祠舊宅蓮洋容卜隱願從得髓證仙詩

題陳秋舫殿撰詩後卽送出都

少年搖筆吐長虹人海鶯花電掃空萬古居然迴腕底
一魁曾不介胸中青蓮祠畔金尊月黃鶴樓前五笛風
料得懷人高詠地江天兀傲又孤篷

題趙象庵舍人愛冬圖二首

菊謝梅開候禁寒愛苦吟地原分老圃花亦抱冬心人
海寬如此天機靜者深時清容吏隱閉戶卽山林
默坐觀元化芸生態若何榮華催歲晚冰雪釀春多入
世才俱歛窮經志不磨結鄰吾有願小築愛烟蘿

送林少穆侍御備兵杭州

司衡峻望壓仙班
南詔剛逢使節還
籌海功高資諫議
觀風地勝領湖山
六橋明月曾移櫂
九里梅花待閉關
只恐旌幢移粵嶠
羅浮又在卧游間

題林蕙纈夫人遺像爲朱菽原大令作

花未全開月未圓
何堪紫玉便成煙
夜臺自進承歡酒
粧閣誰分寫韻箋
錯嫁文人原薄命
早醒塵夢卽游仙
放翁爭怪頭成雪
一見驚鴻亦惘然

豔福清才費折磨
雙修雙謫定如何
鍾情已悔三生誤
輕別翻嫌一第多
幾日藥煙愁奉倩
漫天花雨病維摩

夜闌莫話傷心事古井逢君又欲波

情仙花輦圖
官巢民姬人臨本爲程珊坪舍人作
洞室春風幾日間萬花扶輦下人間衣香斜拂雲邊樹
眉黛遙分海上山水繪園林曾夢到蘭閨書畫未緣慳
金曉珠與蔡女羅合作印章曰水繪園蘭閨雙畫史亡姬綠春亦工畫蘭
鹿車我亦耽偕隱
只向情天乞九還

集褚河南書偶成一首

芳序感搖落歸雲寄此心渚風發蘭氣巖月轉松陰清
景餘暉歛秋庭晚翠深凍時難自效遐舉慕山林

題奚鐵生山水梅花各一首

茅檐終歲是秋聲
翠雨蕭蕭不肯晴
酷似香蘇山下路
溪橋水漫少人行

探梅曾到故人家
買屋西泠願太奢
瘦影疎香今夕夢
一庵明月又冬花

送蘇樸園農部出守永平

召杜聲名草木知
單車按部有清威
地因瀕海魚鹽賤
天許看山案牘稀
仙手醫時須妙藥
病身投老念初衣
爲公多種甘棠樹
絳節他年望款扉

題熊近亭明府丈桐陰讀書圖

梧桐深院午陰涼
桐子桐孫綠過牆
手把一編循吏傳

知心遺愛似桐鄉

送劉芙初編修歸養陽湖

一第清華祿養慳十年簪筆玉堂閒
梅花水驛香應徧風雪柴門夢早還
白首幾人能奉母青燈有味是名山
臨歧我獨千行淚狼籍萊衣舊日斑

書彭甘亭謨觴館詩後兼簡巢松編修

天馬行空鶴縱飛題襟同社此才稀
宋祁修史今紅燭羅隱論詩尙白衣
九塞風霜奇句出六朝烟月冶游非
藏書莫倚仙山富錦繡肝腸要忍飢

書張度西明府陶園詩後

健筆橫空獨往來，酣嬉花月怒風雷。
衡湘投老歸何暮，簿領違心事可哀。
萬里江山飛逸氣，百年壇坫主雄才。
蔣公病廢黃生夭，搔首青天又一回。

題伊墨卿太守晚梅圖遺照

仙山小劫話羅浮，東閣花開已白頭。
每爲憂時多暗淚，尙因懷古覓清遊。
二分明月今誰管，九里香田我未求。
昨夢與君驂鶴去，玉簫悽斷又揚州。

送周小濂觀察之官瀘州

峨眉積雪錦江濤，萬里青天樹節旄。
攜鶴爭看今趙抃，飛書誰識舊枚臯。
蠻烟秋賽喧銅鼓，戰地春耕賣寶刀。

我是浣花詩弟子草堂應爲翦蓬蒿

許玉年明經以蠟梅花朵附書寄其兄青士弟演
生爲賦一詩

花萼庭前記手栽蠟丸先報素心開書隨驛使緘春到
香自家園破鵝來燈下折看同一笑雪邊吟賞定千杯
試拈綠萼還封寄仙夢羅浮又欲迴

香蘇山館今體詩鈔卷十二終

香蘇山館今體詩鈔卷十三

東鄉 吳嵩梁 蘭雪

蔣礪堂先生自蜀入覲述懷八章

舊德

三朝重清名四海知華戎須坐鎮威惠必兼資諸葛籌
邊地文翁講學時弓衣傳唱滿餘事及新詩

天半峨眉雪飛隨絳節來衝寒朝玉闕覽古陟金臺萬
里封章達三秋輦路迴龍髯攀莫及弓劍有餘哀

先帝知公早封疆寄獨深移風儒者事體國大臣心民
力紓縹帑天恩罷貢琛感孚惟一德良弼是甘霖

昔撰蘇齋杖巍然魯殿存談經依臥榻扶病對開尊房
杜同岑誼韓歐大匠門賴公推教澤培養及桐孫

賤子銜恩久星奔愴十年預謀安視地寬給買山錢丙
舍新栽樹瀧岡未表阡孤兒無寸報回首淚傾泉

南海雙龍節東湖一縕袍罪言容杜牧公讌送韋臯紫
海風波靖青天雪棧高旌幢移更遠誰與念蓬蒿

百粵前年客蠻天溢誦歌殊勲銅柱立遺愛木棉多陸
賈游難再馮唐志未磨感知今白髮三策愧蹉跎

召對趨金殿論文集舊廬敬陳皆疾苦提獎及迂

疏道以匡時顯才原爲國儲恭聞枚卜近簪筆侍中

樞

同年顧南雅侍講學士以上疏請留松湘浦總憲

部議革職蒙 恩降補編修賦贈二首

元老威名上將壇宣勞閩外卽臺端側聞分陝需周召
幾見同朝惜范韓心本匡時謀未善言多越分罪難寬
書生幸際唐虞盛不作東京黨錮看

聖恩寬大荷矜全日下封章已盛傳風漢得名非意氣
才人謫宦尙神仙一矜抗節豪家避

君爲諸生時以持
清議忤勢家被褫

卒奉

特

萬里持衡士品先

前督滇學
士望甚孚

異日格心資

敢沃寒松特立望參天

題周芸臯編修九里洲看梅圖

白鷗飛不見九里盡梅花此地真香海當春泛雪槎樹梢羣岫沒村外斷雲遮酒醒知何地青帘竟日斜

我與桐君約衰年此閉關種花田二頃因樹屋三間倦客今同住扁舟殊未還東風吹別夢香入富春山

題王澹音女史環青閣詩卷

慈烏反哺雁離羣字字商聲未忍聞徐淑吟成多寄遠木蘭恨不替從軍宦情十載寒於水歸夢千山亂入雲自有清才傳絕唱人間富貴總紛紜

牛次原農曹三次留部以詩屬和

人海無邊退步寬未應潦倒笑儒冠
司衡共說文章貴高位深知報稱難
雙鳳闕臨卿月近五華山擁使星寒
蓬萊紅遍珊瑚樹曾拂先生舊釣竿

時自漢中督學歸

從古雄才善守雌長鎗未試且毛錐
但期冰雪盟心早何論風雲得氣遲
良木預儲須大匠獨參能用是名醫
司元判牘知多少老筆應推第一枝

車笠論交四十年短檠相對尙殘編
誰誇燕頤當侯久我識蛾眉未嫁前
願領鶴雛同長大能餐雲母卽神仙
應官聽鼓明朝事一枕懜騰且醉眠

千金市骨買曾無誰辨英雄是狗屠
今日求才先幹濟

幾人循分到公孤飛騰以後看同社衰鈍何堪戀此都
昨夢羅浮明月夜親騎綵蝶訊麻姑

寄園種花圖二首爲魏春松先生作

誰將塵土化煙霞借得詩樓管物華細雨似聞鶯選樹
香風又見蝶移家手栽隨地皆芳草心事平生屬晚花
若許風光分老圃一鋤願與刷金鴉

斜街上下地寬閒琴屐當時數往還三徑白雲晴不掃
一籬紅雨晝常關每因覓句懷秋菽難得移樽近蕉山
縱使馬塍歸計熟舊巢應戀此花間

馬叔安太常趙象庵舍人皆善藝菊

居與園近

又題西溪探梅圖二首

一笑辭殘歲幽尋我輩偕穿花移釣艇踏雪換吟鞋野
寺寒香透遙山夕翠佳誰家好籬落半被白雲埋

昔讀冬心畫願爲秋室鄰青山今契闊白首共酸辛越
烏南枝夢唐花北地春此間容把臂狂煞拜梅人

初度日法源寺看牡丹歸飲陳壻小石寓齋兼示
吾女小漪

五十過頭鬢早華生辰強半在天涯俊游每載湖山酒

余在杭州初度者三冷寺重尋富貴花人說歐蘇能得士我懷鮑

葛願移家著書便是延年術莫笑千秋望太奢

題吳石亭州牧遺照

晉水東風似若耶，宦游十載愴天涯。
春隨玉笛來邊塞，夢擲金龜付酒家。
手植公留彭澤樹，頭銜我領鑑湖花。
四明終踐平生約，爲訪清門繫釣槎。

和吳巢松編修見贈原韻

秦晁已媿受知同，才命何當較齋豐。
頻過西州今淚盡，漫猜東野爲詩窮。
春衫浣酒依然綠，官燭修書分外紅。
一種手栽開獨晚，秋花何敢怨東風。

海內風騷有正聲，倖緣同姓許齊名。
窮荒地爲搜才到，君昨歲會典雲南試。
奇凍天因造句驚，誰占鰲頭誇力健。
我來鶴

背笑身輕一編擬訂千秋業刻意何妨與細評

英煦齋先生五十壽詩

天章擎出五雲端

御墨香濃翠未乾捧日心依樞

幄久淩烟身入畫圖看玉隄汗血先諸將金鏡風裁領
六官忠孝勉承庭誥重感恩惟有淚沈瀾

芸館追隨世胄華早將姓字註丹霞瑤觴

賜出三

辰酒金帶圍開一品花鳳閣仙班同侍養鷗波妙筆總
名家重洋也識門才盛奉使曾經泛海槎

珊瑚照水玉交柯一代瑰奇入網羅籍湜從游皆祕省
歐蘇接蹟又蠻坡孫枝桃李今千樹故事蓬瀛倍七科

料得瓊林重宴日吳霜點鬢未應多

卅載雲泥分太懸不才深愧受知偏青燈記我聯吟地
黃閣推公扈 聖年經國文章師陸贄後堂絲竹拜
彭宣鶴聲願奏南飛曲腰笛人間亦散仙

琉球陪臣向邦正嘉慶十年由其國奏請入監肄
業出余門下今充貢使來朝賦此爲贈

賀表春隨貢使槎觀

光同日被

恩華詩名老借雞林重制草慙將鳳沼誇萬里傳經來
海國

兩朝賜宴出天家
園橋桃李知多少
喜見東瀛手種花
送帥仙舟先生巡撫浙江

少司寇領大中丞
特以封疆界股肱
龍節曉辭蓬島樹
馬蹄春踐潞河水
花前白傅行厨酒
堤上歐公夜舫燈
吏治清醕民俗厚
湖山何礙俊游曾

負笈槐廳已十年
頭銜小換亦臞仙
道尊海國師韓愈
詩許門生匹鄭虔
僚佐從游多館閣
故人招隱話林泉
買山待踐桐江約
只欠梅花二頃田

送李鹿坪先生巡撫安徽

柏臺星使玉堂仙
中外迴翔二十年
開府舊持山海節

防河新築水衡錢五雲入

觀龍丹闕一鶴隨行載畫船爲述

先皇恩遇重

鼎湖瞻拜淚傾泉

擁路香烟按部遲
皖江春水照旌旗
韓琦位業風雲早
李絳廉威草木知
白髮故人慙左掖
黃山仙侶負前期

舊與洪雅存約游不果

一厘許借棠陰住探盡天都洞壑奇

送鄧嶠筠同年按察湖北

華岳潼關擁傳來

九重春霽爲君開

恩將破格褒循吏學以匡時驗史才
節鎮地應虛左席

門生官已長西臺

謂那竹汀侍郎時總憲

杏花笑我頭俱白孤負

春風又一回

君于道中見余題壁詩有如今縱有簪花分管領春風已白頭之句谷賞不置

公輔同朝屬望深卿雲布澤卽甘霖願將召伯移風事
行以蘇公敬獄心三楚樓臺橫鶴影九江雲樹接棠陰
老夫病臥黃巖下旌節能來喜入林

題翁鳳西太常鏡湖歸權圖

春波萬頃

聖恩同歸計翩然一釣篷朝寄尙留旌節待臣心先在
水雲中金龜到處邀狂客團扇爭先畫放翁仙隱肯招
前博士蓮花應借半帆風

題張雨蒼明府守風圖

雨泊尋常事風帆不易收平生詩夢穩只有釣魚舟

送唐陶山廉使之官閩中

帝曰持風紀廉平稱職難憂民雙鬢雪恃汝寸心丹

吏丰裁峻熙朝政典寬傳經能斷獄會不用申韓

海嶠移旌節江鄉實比鄰紅梅清獻樹趙閣道手植綠在今崇安縣

茗武夷春肺石輪誠早蠻天被澤新考亭絃誦地庶復

古風

送孔荃谿太守之官吉州

風笛隔年催離心鬱未開白雲甘病臥朱紱自天來道

德承家法循良展吏才酬

恩須茂績元氣望先培

山水吾鄉最賢才昔挺生青原藏嶺寺白鷺洲抱江城
儒術關風教民言卽政聲文翁能講學不獨爲科名

家人將至移居下斜街作

古寺清游徧幽居此閉關春愁無著處獨夜不勝閒出
谷鶯聲暖營巢燕力孱杜鵑紅十里昨夢又家山

送潘紅茶廉使之官桂林

唐梅香透隔年花金碧千峯送使車雪後看山紆棧路
雲中謁帝出金華傳經久識儒臣貴判事誰將法吏誇

願以廉威宣

聖澤弓衣傳繡峒蠻家

綠楊門巷記比鄰瘦策寬鞋往復頻韓孟敢稱同社客
臯夔原是古才人木棉十里燒山寺銅鼓千家祭海神
奇句定知傳唱滿驂鸞爭認再來身

題魏春松先生官舫侍膳圖

王事歌靡監踟躕孝子心安艫天外至壽皐膝前斟細
雨開邗浦清風載鬱林似聞規勉切庭誥卽官箴
廿四橋邊月前年照使槎誰知東閣酒重譙廣陵花白
髮忻逾健蒼生望豈奢慈雲霑被處萬戶有桑麻

嗟我亦人子烏私百未酬冷官虛五鼎歸計祇扁舟

慶

十四年奉許太宜人出都內舍今寒食丁年此舊游綠華吉厓爲什扁舟歸養圖

楊城郭裏悽絕認揚州

蘇齋有真氣光怪發遺詩獨以江山勝傳公遇合奇齊

名慙二妙

覃谿師奉贈詩以二吳並稱謂余與穀人司成也

反哺悼孤兒出處

平生負懷恩忽涕洟

哭葉琴柯中丞

玉堂春夢喚東坡銅鼓勲名奈晚何五載封圻雙鬢白
孤臣涕淚九原多離鸞垂老彈清怨雛鳳禁寒守舊窠
懷袖尙存詩卷在一聲風笛愴山河

芙蓉劇徧亂雲堆民力東南瘁可哀花石淒涼經浩劫
洞天哭兀此奇才黃河浪擁金鰲失艮嶽天寒白雁來
爭及魏公遺澤遠一峯留影照蒼苔

七月八日周芸臯編修邀集萬泉寺觀荷次春松
先生韻

節過雙蓮又一時南塘渺渺接西陂天將微雨酬佳節
人與閒鷗踐夙期仙管豔風花下曲薄羅香透袖中詩
放翁團扇摹應徧添寫紅粧雪藕絲

送徐秋潭將軍出鎮關中

百二雄關氣鬱蟠秋風持節古長安地當分陝資周召
天許籌邊繼范韓奇筆五花參陣法長城萬里擁詩壇
遙知佳句流傳徧憑仗弓衣繡與看

一箇旗亭酒未涼菊花天又展重陽三峯雲氣隨征旆
九曲河聲繞戰場飛檄枚臯才最健論兵杜牧鬢初霜
願公坐嘯清天下綠野還開舊草堂

顧橫波小影

龔芝麓詩有句云秦樓應是春風誤
未遣羅敷嫁使君當是初贈之作

紈扇慵拋繡榻偏羅衣剪水帳籠煙蛾眉一代憐飄泊
猶是雲英未嫁年

湘毫香透畫蘭初逸韻河東恐不如身世滄桑花裏換

風流占盡兩尚書

李蘭卿舍人屬題林吉人紀事詩卷

清時雅奏繼卷阿鳳沼春融湛墨波三絕才名傳妙墨

王漁洋陳澤周汪鈍翁三先生集皆吉人手書一官

恩遇等殊科題名記待貞砥礪內閣舊無題名碑記今擬補刊紀事詩

成賜錦多笑我頭銜稱吏隱梅花九里一漁蓑余欲

卜居九里洲自署梅隱中書

蘭卿以月鹿女史畫及黃莘田先生詩合裝一軸

屬閩人添寫折枝花卉而余題之

春風香透鏡臺邊又與名花締墨緣慙媿吾家高韻少

畫輪月鹿句莘田

書錢衍石農部詩後

讀書能歛氣醞釀出清詩諫果多回味寒花少媚姿湖
山停權地風雪閉門時獨鶴聞高唳惟應靜者知
釋褐登詞館清癯一少年改官仍淡泊鑑古亦精妍同
社慙余長名山讓汝專箏琶傾聽易慎勿改朱絃

水仙

幽香生自性根來並蒂偏從冷處開不識人間塵土味
萬花須讓此仙才

寄石谿館

疏籬一帶擁平沙門外尋常繫釣槎連日雪晴渾未出
新詩得氣在梅花

次韻答斌笠耕太僕

苦寒氣味早相關一技平生媿未嫻同社漸看諸老盡
讀書惟愛此宮閒汗青無地堪酬國頭白何人爲買山
賴有桐川亭榭美移尊合與共躋攀

鮑覺生編修病起再入京師蒙

恩召見喜而有作

蓬山再入

主恩深 丹陛雍容領

玉音自有精誠依北極曾無盛氣負東林風雲待展匡
時手冰雪堅持學道心白髮郎官甘澁落爲君感涕一
霑襟

旗鼓中原許抗行千篇洗鍊出光芒深慙鮑子能知我
敢信吳生遠擅場吾輩交原論道義古人傳不僅詞章
結鄰何日酬初願九里梅花透屋香

瓊海揚帆圖閣學陳荔峰同年督學廣東作

使者樓船出風恬水不波壯游狎南海榮遇勝東坡一
葉浮天盡三山掣電過笑看諸島嶼烟翠小于螺

蛋雨蠻烟地清時教澤敷文明照窮髮奇氣懾天吳載

酒堂依舊敦仁祀不孤瑰奇應閒出慎勿有遺珠

第一邀

宸賞詞源溯大家丹霄先得路金闕此浮槎士氣培桃李軍聲靜鼓笳季長風槩少講幄但圍紗

重洋天下險往昔萃逋逃韓愈尊經術盧循避節旄推篷雲陣闢振舵月輪高知有羣仙衛青天駕六鰲

利涉憑忠信三年往復來波光搖雁塔山翠潑龍堆陸賈朝天近張騫泛斗迴展圖靈怪出空際湧樓臺

破壁龍飛去雲濤接混茫還珠纔合浦挂席又扶桑海

岳英靈曾遂瀛翰墨香只今英邁氣萬里騁風樯

此卷失于

京師督學山

右復得之

冀北空羣早中條攬勝遲才原如海大筆想挂天奇俊

鵬身輕後長鯨手掣時珊瑚紅十丈又見長孫枝

張翰山編

修爲君所得士
時方典試陝甘

卅載漂人海升沈感白頭憑將鯨島夜來話鳳池秋度

嶺雙吟屐還家一釣舟因君懷舊侶飛夢大琉球

次韻酬覺生侍講

同作歐門士吾猶下第人十年慙吏隱四海識家貧松
菊陶元亮江湖賀季真壯懷銷已久惟有句清新

種花不擇地隨分各榮枯風雨能高枕雲霄有畏途愛

才天意厚守拙宦情孤蓑笠誰先具烟波兩釣徒

題鄭雲麓吏部荆庭聚慶圖

杜老看雲地坡公聽雨心懷人在京國寫照入家林紅
樹皆連理青山肯獨尋九龍灣下水悽咽有離音

送佟艾生太守之官臨安

當官譚理學往往笑迂疏巧宦先知免循聲定不虛看
山今萬里按部只單車行李無多物隨身數卷書

句町牂牁地邊城古百蠻恩威防失馭教養必相關吏
治澄清後民風秀愿聞歌詩傳習徧騎象且游山

君以先哲

格言刻爲童子歌謠俾傳習之

法源寺看海棠有懷舊游

一笠東風野興偏，衰慵猶爲海棠顛。
重尋古佛香嚴地，恰是春人綺麗天。
粉蝶多情能導客，紅粧微笑與參禪。
夕陽曾照簪花影，殘夢低徊又十年。

雨後同鮑覺生陳石士西郭看花覺生有詩次韻
同作

塵土東華笑久淹，好風招我忽青帘。
花光豔自林梢出，山翠濃于雨後添。
清磬飄來知近寺，香車行過恰開簾。
俊游大似江南路，蝶粉春衫又一粘。

書鮑覺生二李詩選後

老將幽燕出乾坤發浩歌雄風迴紫塞積雪照黃河客
氣先除盡精心獨造多與君期復古滄海障頽波

題李芸甫農部村居圖

卅載湘南客江村畫裏看炊烟茅舍綠春水稻田寬隄
柳穿歸櫂陔華入午餐輪君能奉母壯歲已辭官

覺生乞假出都將祝其弟滄碧于關中由杭歸歛
且有九里洲結鄰之約

關山蒼莽入驪歌幾載看雲暗淚多詩骨三秋浚太華
離心九曲赴黃河衰齡愧我猶簪筆歸計輸君已釣蓑
香海願留偕隱地莫令花月怨蹉跎

梁蒞鄰儀部以覃谿師詩意作燈窗梧竹圖屬題
儀曹公輔器餘事復能詩健筆傾吾黨同心得所師梧
飄擎雨葉竹臥笑風枝側想吟肩瘦寒缸對影時

滄海橫流後靈光一殿孤聯吟繼韓孟禁體匹歐蘇詩
境碑分榻秋林句補圖與君參妙諦香透木犀無

蘇齋生日酒會此拜東坡盛事今寥闊名言賴琢磨津
門緘句密海嶠寄愁多共有離羣感滇南奈遠何

謂葉筠潭

胡墨莊宋
芷灣諸子

負笈慙余早賡酬已卅年蓮洋誰得髓蒲褐此參禪知
已平生淚名山內外篇祇餘風雪夜棖觸對床眠

送左杏莊中丞還任湖南

一第頭先白封疆豈預期飽諳貧士味終荷

聖人知文字留心血勲名上鬢絲廉威公早著圖報在
匡時

連日趨丹陛冰霜逼歲闌

語溫逾挾纊裘傲不知寒折簡辭公餞投詩結古懽洞
庭千里月如共故人看

寄答葉筠潭運使

賢勞廿載轉崇班綜理才高政卻閒鍊句功深如煮海
觀書心妙似游山冰霜宦味脂膏外節餞家聲伯仲間

應念故人官太冷梅花幽夢掩柴關

林石筇珠江買醉圖

荔支香裏櫂船迴年少能狂亦可哀花月逢迎皆暗淚
江山跌宕是奇才林間翠羽無仙夢日下黃金有廢臺
恨不從君千日醉盡收南海入春杯

送蔭鄰儀部出守荊州

三楚河山百戰場清時沃土盡耕桑鯨鯢氣靖恬舟楫
雁鷺聲歡足稻粱方鎮輯利須上策問閭甘苦願親嘗
漢廷公輔多循吏知領封圻鬢未霜

十載鵷鷺戀舊班君參機重我蕭閒

殿前給札逢趨

直花裏移樽約款關同社幾人先絳節病身無價是青山
幽棲異日邀新賞錦里逢迎分未慳

林少穆觀察乞假歸省賦此寄之

旌節經年別 帝畿投簪忽訝壯心違誰知祿養關
心切卻爲衰親嚙臂歸白髮含飴孫繞膝青山采藥露
霑衣西湖花鳥偏惆悵計日春風望綵旂

顧南雅學士石屋烹泉圖次卷中覃谿師原韻

一筇溼翠踏清明芳茗寒泉孰共傾雨碣半埋新蘚色
風甌猶瀉古松聲盆摹雪浪留殘字菴記冬花愴昔盟
白髮幸同君健在湖山展卷淚縱橫

送周芸臯編修出守襄陽

梅花一笛楚天涼
黃鶴仙人下武昌
惠政卽今追杜父
才名終古屬周郎
南樓月滿新開讌
西塞花開古戰場
治劇輸君能整暇
詩情畫意兩襄陽

雨後

古寺對門斜開庭似水涯
卻因連夜雨開遍手栽花
雲意留高樹藤陰過別家
石谿吾舊隱便擬此浮槎

月夜

碧雲開曉霽華月照新粧
此夕園林麗全家笑語香
亂螢飛不定幽鳥夢俱忘
坐久羅衣溼花陰透晚涼

蔡浣霞太守由延平護送琉球使臣入都出示東
越飽帆圖卽題其後

紫閣清華地迴翔十九年分符臨海嶠奉母就江船紅
橘三衢樹青谿九曲天到官風味好第一飲廉泉
傾郡君初出吾歸正掩關夢經七里瀨飛度九江茶
笋谿田熟琴尊幕府閒懷人有佳句多在暮雲間
雙劍分飛久雲龍喜暫隨秋衣堪質酒古寺與論詩破
浪心原壯看山境屢移滿帆收不易風力願徐吹
海國輪琛早浮槎萬里輕護持煩漢使

恩賚及唐營丹鳳啣

書出金鰲擁棹行遠懷憑寄訊桃李在東瀛

龍山書屋詩爲朱勲楣太守作卽送之建平

龍隱洞天幽離江山下流七星山臨礪戶八桂抱書樓

晝粥荒齋味連床夜雨秋當年攻苦地難忘屋西頭

十載蓬瀛住一麾吳越間飛帆渡瓊海高枕看廬山循

吏今稱最客星

山名卽在郡治

殊未閒故園風月滿夢與鶴俱

還

石谿館舊畜顧蘭二鉅盆花開至三百餘箭之多

去歲家人攜以入都每開不過數枝雖香韻未

減而榮悴頓殊豈亦有出山之感耶

幽花如處女未嫁已傾城

用蘇句黃句

澹絕惟風露香中有性

情夙根求不易孤賞笑初成倦蝶低徊久尋芳悟隔生
故園吾手植去歲別鷗波葉瘦經秋長花開奈晚何素
心朝士少空谷美人多及汝同歸懼林棲願養疴

新霽同李鳳岡太守登觀山臺作

主客相忘久飄然自往還每來終日坐誰似兩人閒澹
墨烟中樹修眉雨後山不知身入畫猶羨翠微間

遲鳳岡翁未歸疊前韻作

移榻坐良久主人殊未還地排青嶂出天縱白雲閒高
樹分鄰寺幽花借小山

叢桂爲象庵所贈

攜家客質廡愛此屋

三閭

城根沿流散步三疊前韻

朝與雲俱出暮隨雲亦還路穿紅蓼出人共白鷗閒敲石坐聽水隔城遙見山幽悰成獨往忘在市朝間

笠耕太僕以折枝桂花見贈四疊前韻賦謝

聽雨樓前樹繁枝折贈還香來君處遠夢與我俱閒月地移清影花時說故山須防仙句法傳誦又人間

程春海中允花燭詞

上林鸞鳳換巢遲福慧生來有夙期嘉耦定知天下少相公親與綰紅絲

簫聲吹徹綵雲間一夕天風裊佩環曾爲仙人停絳節

結綺真在藐姑山

君自蜀中典試歸有望藐姑山詩其地卽夫人原籍也

詠絮簪花妙有餘縹緲萬卷壓青廬琅嬛洞室鴛鴦社

正好同修博議書

君時奉勅纂修左傳注本

心花意蕊簇新開都說針神奪夜來異日綸扉襲補袞

七襄雲錦是天才

紅鸞扇裏奉金尊領取慈顏一笑溫吉語明年傳誦早

梅花結子鶴添孫

張愛濤刺史以終養後再赴關中賦贈

治行今循吏文章舊史官雲笳穿太華雪騎入長安拜

墓松楸長酬

恩歲月寬經過迎養地猶有淚沈瀾

豐鎬涵濡久關山控制雄六經吾用足三代此民同家
法承京兆河渠講鄭公節旄君自致須有古人風

黃竹雲舟隱圖

得酒卽同醉此翁何所求水天兩明月身世一扁舟易
退原高節忘機可縱游江南吾夢熟招隱有閒鷗

送羅子信編修出守嘉興

聖朝經術貴典郡用儒臣才以匡時大風惟講學淳六
條初按部萬卷自隨身宦味知能澹京朝耐久貧

劇郡稱難治山川界越吳但令勤撫字何敢萃逋民

力寬征稅

天家重轉輸政成容臥理烟月徧南湖

與君居比屋文酒日追尋歲暮難爲別天涯共此心君
行猶戀闕吾老待抽簪水驛梅花發迢遙望寄音

送程春海中允督學黔中

雪棧曾持絳節過星槎萬里又牂牁盡搜山水英靈出
始信文章怪偉多供奉游仙經絕徼陽明講學化諸羅
輪君玉尺承

恩早海內人材藉琢磨

金筑迢迢赴木瓜愛才原不棄荒遐烏蒙地險騰神駿
丹井雲深采箭砂一路行穿邛竹影千峯開遍刺梨花

新詩先付弓衣繡傳唱龍家與蔡家

題蔣伯生明府畫像

卅年前早愛吾詩頭白題襟惜太遲
強項自留公議在苦心難得部民知
閨中紅袖耽吟切塞上青山入畫奇
莫以滑稽猜曼倩歲星住世本兒嬉

送春松先生移疾歸杭州

歸計公前定低徊直到今卅年臣力盡一疏

主恩深鑒國誰高手憐才獨苦心
回瞻雙鳳闕衰淚欲霑襟

同作京朝客居鄰古佛家
廚荒分俸米吟苦貺春茶
知

已酬無地名山願敢奢夢隨仙擢去九里正梅花

與朝鮮使臣金酉堂中樞寤軒簽判同入國學卽

送東歸

天朝崇

聖學海國被

恩華法物求三代微言證百家槐廳方載酒蓬島又迴

槎惜未同觀禮榮分

賜講茶

是年三月臨雍侍講官例得賜茶

職貢修東海

奎章捧北辰歸帆鯨渚月離席鳳城春萬里生同歲

與余

酉堂皆丙戌生

千秋定及身相看俱白髮去住一沾巾

示金山泉進士

東國佳公子中華此壯游高文摹石鼓妙墨貺銀鈎家
學承應早天才不易求期君在青史富貴只浮漚

次韻荅趙經畹進士

萬里論交事亦奇廿年離緒數行詩書來斷雁天邊字
夢遶扶桑海外枝聲教古來通異國勲名老去負匡時
弓衣傳唱知多少肯爲都官理繡絲

墨菰圖爲笠耕作

老圃秋光似畫圖一畦風露足清腴菜根滋味平生飽
定許民間此色無

香蘇山館詩集

卷十三

三

香蘇山館今體詩鈔卷十三終